


照歲二十五史雲



江山萬里樓詩鈔卷十一目錄

甲子乙丑日強年集共一百十五首

八驪歌呈玉帥

大軍次盧龍 九月十二

山海關軍中聞雁是夕月色滿海

軍月秋夕

遼西戰場望月

石門寨秋望

九月十五日大軍雲集榆關寒沙

萬幕秋色無際夜半出營望月

秦皇島軍中寄家書

秦皇島軍中卽事

津沽之敗余與大軍相失乃航海

追隨由津而芝罘而滄而漢而

洛陽時東南亦大戰初罷江行

見虞山里門咫尺不禁淒絕

榆關紀痛詩序

山海關兵敗後間關至滄岳父李

公伯行賜飲于皇宮酒店其宮  
室器物瑰製奇狀皆仿法皇路  
易故宮體製其工不以土木磚  
瓦而純以礮石琉璃金碧爲之  
一柱之費價逾千萬雕縷眩目  
窮極壯麗想見百年前巴黎全  
盛時物力觀之不勝禾黍之感  
是夕西人仕女跳舞清樂如水  
衣香如雲余歸從戰地烽火餘  
生對影聞聲愴然出涕

十一月初七余由漢至鄭州而吳  
將軍亦由洛至蓋陝軍憲玉琨  
已于昨日據洛陽矣是夜南下  
信陽間關入鶴公山從者余輩  
數人殘軍千餘而已既而胡景  
翼逐憲玉琨據開封進逼信陽

天寒土卒凍饑一夕數驚風急

月寒山樓不寐賦慰將軍

山樓晚眺是日大風

鷄公山絕頂登斬將軍別墅高臺

送人東歸

鷄公山絕頂侍吳公望落日

滎陽汜水道中

喜洛陽諸將漸至山中

鷄公山感懷詩一百韻並序

驅兵渡虎牢關南下信陽

信陽山中

喜僚友自洛陽來

再入鷄公山

送某顧問出山

赤壁舟中翫月

初至黃州呈吳將軍

黃州見梅遂憶故園時江南齊盧

構兵遺途梗塞妻子皆避亂海

上

遊武昌西山東坡九曲亭

殘兵

簡斬薦青將軍

登安國寺塔春望

寒夜作家書時奉軍南下蘇常齊

軍潰掠江南再亂寄婦霞客

正月初七黃州舟中

乙丑立春前一日吳公命舟泛江

同遊西山至寒溪口捨舟步行

入靈泉寺登試劍峯下山入陶

侃讀書處時紅梅半發雨雪初

霽奉和吳公

陶侃讀書處看梅

立春日鄂城紳商讌吳將軍于西

山靈泉寺卽吳大帝避暑宮也

是日微雨將軍命予代往赴飲

下山從寒溪口尋舟渡江夜歸

赤壁

過寒溪山見牆裏梅花已放烟雲

離合春雨在衣不可復留亂流

而返

黃州早春登城奉和吳將軍侍將軍登快哉亭

江岸閒步遊安國寺贈僧醉瘋寺爲唐時所建蘇長公有安國寺尋春詩其東爲韓魏公讀書堂過楊守敬故居國名隣蘇在黃岡城中東北隅守敬字惺吾以書名鼎革後卒國今易主矣陳荷波僦居之老梅合抱猶存春日發花往訪荷波

黃州江上

陪吳將軍登西山之巔席地而坐望樊口武昌之勝

登黃州城樓感春

二月初五晨起吳公遊牛頭灣之

馬橋村步行田壠與鄉民款語具言江潮盛時水及其扉因勸以種樹之益村人意甚敬恭風俗敦樸歸途爭設香案拜迎於平疇新綠間公顧我笑曰此真民意也拱手謝之返舟走筆見

示奉和二首紀實事也和詩次韻  
爲宋人惡習唐賢無和韻者平生未嘗爲之

春陰陪吳公登月波樓

二月初八侍吳將軍至岳州岳人喜將軍之重來也公宴于岳陽樓上暢飲竟日秉燭繼夜冒雨歸舟

君山春曉

岳州春雨公謙夜歸

洞庭風起城下帆檣如櫛胡畔多

秦吉了棲鳴梟檣終日可聽賦呈吳公

二月既望夜登岳陽樓觀月

一春聞婦霞客將至岳陽遣舟以許迓

之君山一二妃墓

春日二喬墓偕霞客踏青

岳州江上送張子武之江南

三月七日公謙吳公壽岳人高會

三日賓客千人卽席呈賦

穀雨日高原春望時家室至岳主

易鳳儀家

岳陽樓送別徐良

贈崔祕書

聞胡憲之戰洛城往復二三陌不復  
有雞犬聲矣西宮牡丹二千株

今當花時不知無恙否也民無

子遺違恤我花

春雨曉晴洞庭早起

春煦自漢來書告斷炊矣

岳州清明 是日侍吳公遊君山江中遇雨

踏青湖岸而返

和師鄭落葉詩

湘江上憶故園

岳陽送吳子明丈

岳陽贈夏大

岳陽樓送某將軍兵敗遠適海國

暮春將軍爲陳詒仲同年毅置酒

舟中日暮泛舟岳陽江上卽席

賦贈二首

江山萬里樓詩鈔卷十二

甲子乙丑日強年集

東吳楊 坡

八驪歌呈玉帥

爾雅馬純黑曰驪。禮記夏后氏尚黑。戎事乘驪。隴南  
鎮守使孔繁錦獻吳上將軍西陲馬八匹。純黑色。蓋  
驪也。時大秋操試之。殊衆愛其神駿。慶其得主。作八  
驪歌。

吾聞天下非無馬。不逢伯樂。材盡下。又聞伯樂不常有。馬也  
虛生何爲者。孚威上將人中龍。相士相馬羣爲空隴南孔公。  
獻八駿。騰驤萬里來。關東八匹。純黑色。如鐵。顧視高秋氣橫。

絕慘淡。朝騰青海雲。分。明。夜。立。天。山。雪。中。原。蹀。蹀。蒼。茫。意。滿。  
志。躊。躇。來。天。地。洗。出。風。塵。澗。洛。清。踏。開。道。路。肴。函。翠。北。邙。百  
里。霜。天。高。十。月。農。隙。屯。旌。旄。將。軍。秋。獮。大。閱。武。千。乘。萬。騎。連。  
雲。霄。令。下。傳。呼。開。堅。壁。平。原。飛。鞚。陣。容。列。靜。如。雲。垂。與。海。立。  
動。如。長。蛇。變。化。疾。兩。軍。制。勝。在。先。鞭。壁。上。縱。觀。氣。屏。息。忽。看。  
數。點。草。頭。飛。水。過。沙。平。不。見。跡。此。時。人。馬。俱。無。前。鼓。角。軒。昂。  
壯。秋。色。將。軍。笑。顧。稱。龍。種。一。時。河。洛。聲。名。重。陣。前。壯。士。來。聚。  
觀。帳。下。名。駒。皆。驚。悚。牽。來。轅。門。蕭。蕭。風。參。差。磊。落。殊。不。同。主。  
人。奇。才。爾。奇。福。拔。爾。抑。塞。之。心。胸。昔。年。赤。免。事。壯。繆。千。載。遇。  
合。驚。婦。童。太。宗。東。平。劉。黑。闥。西。破。洛。陽。王。世。充。昭。陵。六。馬。垂。  
萬。古。掃。清。八。荒。成。大。功。人。間。駿。骨。何。止。此。安。得。所。事。皆。英。雄。

驪兮。得主今誰薦。西望長鳴謝。孔融放馬桃林幾千秋。眼前致用求驛驅。願隨鞭鐸草露布。跋踏烟雲平九州。

大軍次盧龍九月十二

殺氣入雲霄。將軍帶寶刀。一心洗兵馬。四海仰英豪。落日當營。大秋天出塞。高遙知後來者。籌筆想賢勞。

山海關軍中聞雁是夕月色滿海

一行新雁下連營。刁斗無聲塞水清。十萬控弦齊北向。高高秋月照長城。

軍中秋夕

星急風高萬馬鳴。山頭一月照長城。仲宣欲製從軍曲。夜探胡笳出塞聲。

遼西戰場望月

夜迴牙旗靜。秋高玉帳清。渡河雲出塞。照海火連營。一馬嘶。  
寒月參差萬馬鳴。家書多壯語。用以慰親情。

石門寨秋望

石門塞上山接天。鼓角聲雄大海間。獨立高原看落日。戰餘  
放馬滿秋山。

九月十五日大軍雲集榆關寒沙萬幕秋色無際夜半出營望月

牙旗玉帳接蒼茫。關下諸侯宿戰場。二十萬人齊帶甲。三更  
明月五更霜。

秦皇島軍中寄家書

仗劍從軍去。高歌向北行。涼秋兵出塞。大月馬歸營。  
樓上星星。雲夕軍中鼓角清。遙知閨裏夢。夜夜怨長城。

秦皇島軍中卽事

榆關金鼓接胡天。夜夜將軍帶甲眠。  
沙上月明橫萬騎。殺聲都在五更前。

遼海雲深起暮笳。匈奴未滅若爲家。  
中軍夜半傳新令。萬幕天高月滿沙。

一夕班師戰壘空。他年猿鳥弔英雄。  
從今月小山高。夜都付詩人淚眼中。

行人垂淚說金牌。畢竟今哀勝古哀。  
昨夜盧龍城上月五更。猶照廢營來。

津沽之敗余與大軍相失乃航海追隨由津而芝罘而滄而漢而洛陽時東南亦大戰初罷江行見虞山里門咫尺不勝悽絕

亂後家何在寒山見里墟孤城喧鼓角大雪渡江湖人物於今異風光總不殊中原隔雲水西望一歎歎

榆關紀痛詩序十首十月二十四黃海舟中作

甲子秋七月浙督盧永祥兵敗被逐於齊燮元乃遣使乞援於奉天張雨亭恥於辛酉之敗思修怨於我者二年矣於是蘇浙之戰方熄而直奉之禍又作八月舉兵十二萬長驅犯山海關彭壽莘與戰互有勝負上將軍吳公受朝命督師爲總司令直魯豫副使

王承斌爲副司令。十九日。公自洛陽率三師之一旅至京師。設計逆軍總司令部於四照堂。全國諸侯咸願會師。榆關聽驅使。公編制調請。旬日而定。編正軍四軍。一軍總司令彭壽莘。以王維城董政國副之。二軍總司令王懷慶。以米振標副之。三軍總司令馮玉祥。無副。四軍總司令曹鍊。以殷本浩曹士傑副之。乃定行軍方略。一軍分三路進。一路司令彭壽莘。二路司令王維城。三路司令董政國。而以馮玉榮葛樹屏時全勝屬之。二軍分二路進。前敵總指揮劉富。有副指揮龔漢治。屬之。三軍分二路進。一路司令李鳴鐘。二路司令張之江。屬之。四軍分二路進。二路司令曹

永祥屬之乃編援軍十路。張福來爲援軍總司令。一路司令曹鍊。二路司令胡景翼。三路司令張席珍。四路司令楊清臣。五路司令胡景翼。六路司令閻治堂。七路司令張治功。八路司令李治雲。九路司令潘鴻鈞。十路司令譚慶林。而以曹士鍊、林起鵬、田維勤、馬燦、林吳長植、張金標等副之。海軍總司令杜錫珪。副司令溫樹德。當是時各督入衛傾國雲從天下。將士無不以得受吳將軍驅策爲榮。命使面請率軍效命者爭先恐後。坐爲之滿。文電日積盈尺。是役也。統計正軍九路。援軍十路。司令四十。而後防籌備各司令。不與焉。馬步砲輜工兵額共爲二十餘萬。而飛機海

軍不與焉。某將駐某地。某軍取某勢。則皆各受吳公之命。馮玉祥駐熱河。爲左翼。公知其不可。恃命胡景翼。駐喜峯。平泉以監之。於時諸路諸司令期會而發。信宿而集。飛挽則依山陸梁。徵赴則排虛縮地。萬軌一塗。昏曉無間。甲帳山積。戰馬雲逝。東西南北數千里。肩摩轂擊。途爲之塞者累日。兼旬。田夫荷耒以觀。兵紳商壺漿而犒士。出師之盛。近今無有焉。九月初十夕。上將軍督師發北京。纛車在前。幕府車次之余。以祕書兼機要參議。與聞戎機。隨纛車次乘。十二日。軍次秦皇島。時諸路軍雲集長城。戰稍却。先是。馮玉榮失守九門口。敵軍得入關。公電令斬馮玉榮以徇。

自往督師。旣至。軍威大震。公親指揮。衣不解帶。大戰  
十日。數奪要塞。惟時餉無的款。軍需告匱。公內憂之。  
初財政總長王克敏數謀承認金佛郎案。以得大賄。  
公在洛數電曹公。力持不可。痛斥其奸。事遂寢。克敏  
於是銜公。而思中傷以敗公。功軍事旣興。王不任籌  
餉。嘗爭論於曹公前。公索之急。王曰。實無錢。無已。則  
承認金案。日夕可得數百萬。公怒曰。君乃欲乘國家  
危急。脅劫賣國耶。我甯餓死沙場已耳。朝士咸勸殺  
克敏。輒以清側爲曹公所解。至是全軍餉需日必十  
萬。而兵站運輸。製造彈械。衣甲。醫藥。謀報賞恤。舟車  
供給。一切雜支。實且兩倍其數。猶不與也。秋盡霜高。

邊海苦寒。士卒有無衣之嘆。有司興仰屋之嗟。公知不可以持久。利在速勝。乃思出奇兵。於是躬冒炮火。相度形勢。朝浮洲島。夕返大營。涉海踰嶺。日必數百里。歸則披閱文書。抉擇可否。目無停視。耳無輒聽。五官竝用。窮極夙夜。弗以爲勞。遂密定以海軍載兵。暗截葫蘆島。出錦西。直達瀋陽之計。事待發矣。時奉軍轉戰經月。久困榆關。精銳死傷略盡。士無鬪志。僉怨用兵之非計。至驅貧民以充士卒。遼東豪傑羣焉思逞。以效順於吳公。而我以奇兵出間道臨之。直搗黃龍。此其時也。奉軍旣偵公日游弋海面。知必有奇謀。顧關下諸軍攻之急不可解。弗得顧後防。於是大

懼。張雨亭知馮玉祥性好作亂。而貪財。方思報怨於吳將軍。乃急使至承德賂玉祥使倒戈。約券千萬爲壽。而先輦二百萬。玉祥果利其多金。許之。遣使約承斌孫岳共謀去曹吳結張。而據北方政權。懼景翼之監軍也。說之曰。吳公遇子厚乎。曰厚。曰以子之功。宜分茅矣。乃獵食順德。餉械往往不給。曾不得尺寸之土。且今茲之戰。君意何欲。曰立功得土耳。玉祥笑曰。豈不聞吳公面曹公之言乎。三省巡閱非子衡莫屬。三省各督。則懋宣子耕贊勳可戰而勝。事內定。敗俱死而已。於是景翼怒。玉祥曰。鳥盡弓藏。奉滅。曹吳將不可復制。我將以和平應民意。倡停戰以存奉成奉。

必德我。而政自我出。不成則我得美名。亦足自給。一舉兩得。君其從我遊乎。因述奉軍急求意。胡素貪而貧。大悅。是夕先輦老頭票十萬至胡營。禍遂作。二十日。馮胡以其軍叛。倍道疾趨夜半至德勝門。孫岳開門納之。北京陷。玉祥以炮圍總統府。囚曹公於延慶樓。承斌入逼曹公下令停戰。褫吳將軍職。解其兵柄。吳公方統大軍苦戰。山海關聞變。命援軍總司令張福來當榆關。自率衛隊一百人疾趨天津。電調長江魯豫諸軍入衛。各軍未及發。而魯督鄭士琦與段祺瑞通先叛。陳兵濟南。斷津浦路。命胡翊儒據德州。兵工廠。毀鐵道。遏南軍不得北上。惟潘鴻鈞旅先得

至與馮玉祥戰於楊村張莊間敗績時山海關主客軍猶十餘萬受張福來指揮居四日不戰而遁軍中莫知所措則大潰先津軍敗張宗昌遂以騎兵下灤州矣公以首尾皆敗援路絕知事不可爲率殘部五千退唐沽乘海軍南渡至烟台將假道入豫士琦不許乃入長江由漢口趨洛陽焉玉祥旣據北京自稱國民軍革命自建攝政內閣然意尤在得皇室財寶命張壁鹿鍾麟勒兵入宮露刃逐清帝后妃下殿而籍其宮室財貨於是元明以來三朝御府珍儲十代帝后珠玉寶器以至二三代鼎彝圖書九洲百國方物天府嬪嬪宇宙韞闕希世之物無慮幾千萬萬億至

是盡載以出荷戈斷行人於道路六日夜不絕蓋不知其紀極夫浹旬之間兩舉大逆雖趙高之害蒙恬董卓之刦洛陽宮華歆之逼漢獻帝不能專惡於前矣方變初發京津士民無不髮指及公至津猶冀一戰而反正也敗耗既傳咸傷吳公以忠正見欺而國事將益不可問無不相向扼腕有痛哭者有憤而癟癟者外人會飲言馮事則怒擲酒器於地至粉碎綜海內外士論咸以吳公功敗垂成與岳忠武班師同爲千古恨事同聲驚痛惋惜不能已已余侍從帷幄歷有年所久安從軍之樂數被戰勝之榮今乃於千載不偶之事天崩地拆目擊而躬逢之傷正義之不

伸慨天心之助長。慟尊親之憂辱。哀綱紀之淪亡。痛定紀痛示不忘焉。

六合軍需動安危。仗令公長驅二十萬。鼓角下遼東。不以兵車力。何由祚席功。執鞭吾所願。長揖事英雄。古今萬國而能底不以定者。以殺止殺。先哲蓋已言之不然者。區區霸業之不以兵車。何足多管仲之力。而謂暴民大憝可空言而和哉。

平哉

連營七百里。一夜下遼陽。鴻雁來明月。關山入大荒。用兵非得已。決策莫能當。指顧諸軍合。轅門馬萬行。是役也。正軍三總司令軍熱河吳公以九月十一日由京師出發。首當  
勁敵於山海關。軍威震連戰皆捷。

妻子。其如輕死。生夕烽。看未了。浩蕩意難平。九門石門二郎

之險要。公躬臨陣。指揮直軍無不一當。百秋盡霜高。如挾纊焉。

兵車接昏曉。飛挽動幽州。一雁下秋塞。千人登戍樓。連檣天盡處。萬幕月當頭。風定旌旗肅。山寒水急流。

副之山高月小。塞沙萬幕秋色無際。

大營海軍

入陣地十三日于秦皇島作大營海軍

再見金牌恨。中原盡失聲。前軍當勁敵。大盜刦神京。舉國今無主。何年見太平。班師萬家哭。功敗更成名。

十九日馮玉祥

以十九日馮玉祥以其軍叛自承德間道疾趨截北京二十日夜半至得勝門孫岳納

之遂圍公府逼下令停戰英人柯樂文問玉祥曰戰須納

兩停今若我停而人不停當如何玉祥曰我必以武力制止之柯笑曰是亦吳公之政而已何曰和平玉祥語事者咸爲公危數言玉祥有異志叵測不可用公笑知其玉祥獨得四百萬王承斌胡景翼孫岳分載奉賂千萬萬其元

金署券半之作霖既至津玉祥以券索作霖不與玉祥  
大恚恨數日開會議或於席訣玉祥功玉祥有德色方祥  
侈言革命事作霖徐已將軍非某所僱庸者耶烏得稱  
功發言前所付金共耗若干須冊報條核也玉祥羞憤稱  
自是有圖張之心夫敵人而禽己  
師當也若玉祥者人而禽己

禪讓輕天下。謳歌報德殊不聞。傳舜禹猶紀滅唐虞盜玉書。  
陽虎誅心有董狐編年斷甲子流恨滿寰區。

清宮多寶物玉祥心利之命鹿

鐘麟張壁率軍隊入宮威逼清帝立卽出殿時瑾太妃  
新薨帝方居喪求面別瑜太妃不許布衣登車歸潛邸  
皇后掩面從之路人無不掩泣玉祥卽日查封各宮子寶  
物以李煜瀛董其事中外皆不平李寶高陽相封各宮子寶  
事成于玉祥而謀始于李

海角孤軍寄男兒涕淚中。天乎非戰罪行矣。豈途窮患難威  
逾重艱危氣更雄。國人皆欲殺監子敗全功。

繞樹飛三匝。崎嶇江海連家山。天末路風雪夜行船。部曲中

原盛聲名絕域傳。虎牢天下壯。笳鼓洛陽邊。烟臺登岸軍欲

至則鄭士琦不納乞水米焉遂溯長江赴漢間關至洛洋銀四萬及水米不許外人及商人怒贈

大難崇朝發。奇功一簣看。三軍齊下淚。異族欲衝冠。

忠信行。無敵春秋義。不寬梟雄羞與伍。豎子瞻應寒。

玉祥爲叛紙痛英詆外國報紙痛

矣尤憤駐豐台之英軍藉細故痛歐馮軍擊傷至千人并拘其旅長馮姓羣辱之僅以身免玉祥恥之而無如人何也張作霖入關謂人曰吳子玉忠信人我可與共事

斌至津詔迎張張令李景林立解省長職王鈞逃入武裝

及王之二十三師武裝并勤王解省長職王鈞逃入武裝

界承斌玉祥雖羞恚無如何也南北人心大快

清剛岳忠武繼起世人驚。當代稱師表。同舟忌盛名。一身憂。

國淚萬口辨奸聲。大任先勞苦。天將降治平。

自馮胡倒戈奉

敗而義聲四布全國敬仰是不幸也嗟夫之不幸而非吳將軍之不幸蓋中國

山海關兵敗後。間關至滬。岳父李公伯行賜飲於皇宮酒店。其宮室器物瑰製奇狀。皆仿法皇路易故宮體製。其工不以土木磚瓦。而純以礬石琉璃金碧爲之一柱之費。價逾千萬。雕鏤眩目。窮極壯麗。想見百年前巴黎全盛時物力。覩之不勝黍禾之感。是夕西人仕女跳舞。清樂如水。衣香如雲。余歸從戰地。烽火餘生。對影聞聲。悽然出涕。

亂後清遊百事非。強來行樂總歎歎。隔江月上罷歌舞。清露無聲飛繡衣。

瓊樓玉宇詎神工。故事新豐漢帝宮。莫向樽前話興廢。令人垂淚憶乾隆。

繁華轉眼逐香塵。舊恨何如百感新。昨夜故宮仙掌冷。千門明月更無人。

時馮玉祥逐清帝而籍其宮室寶物

淞濱戰地近繁華。白骨千村足怨嗟。莫向江頭聞野哭。可憐天子已無家。

蘇浙之戰災民流離者皆露宿江干九縣

十一月初七余由漢至鄭州而吳將軍亦由洛至蓋  
陝軍慄玉琨已於昨日據洛陽矣是夜南下信陽間  
關入鷄公山從者余輩數人殘軍千餘而已旣而胡  
景翼逐慄玉琨據開封進逼信陽天寒士卒凍餓一  
夕數驚風急月寒山樓不寐賦慰將軍  
天險今何在班師戰壘邊秋笳哀似笛塞水亂如絃繞樹盧  
龍戍驅兵江海船短歌行不得此恨古今憐。

慷慨孤忠淚。崎嶇百戰功。人心洗。兵馬天意厄。英雄一雁長。  
雲外千山落。日中願言從。患難風雪入。鷄公。

當代論風義。嗟乎。惟使君。將兵多益善。奔殿敗。能軍遼海關。  
山月中原日暮雲。十秦終必楚。餘子漫紛紜。

山中晚眺是日大風

亂山殘雪裏。多難此登樓。紅葉風俱至。青天水急流。諸侯皆  
富貴。一將獨林邱。將老猶爲客。余生萬古愁。

鷄公山絕頂登斬將軍別墅高臺送人東歸

滿目傷心色。淒清畫不成。寒鷹蟠廢壘。落日照殘兵。百戰逢  
佳節。孤城送遠行。一爲揮手去。雲海閉柴荆。

鷄公山絕頂侍吳公望落日

川原夕陽盡。西望一登臺。人意隨山亂。軍歌動地哀。大家何處去。今日偶然來。向晚起風雪。將軍且舉杯。

滎陽汎水道中

獨樹飛紅葉。蕭蕭霜滿林。人煙寒照寂。鼓角暮流深。魏晉今何世。山川可用心。驅車登廣武。萬古一沉吟。

喜洛陽諸將漸至山中

黃河直上青天日。出鷄鳴度虎關。欲問洛陽舊親友。中原風雪萬千山。

鷄公山感懷詩一百韻并序

昔祿山反側。唐室幾墟。侯景犯闕。梁社遂屋。甚矣敵國外患之不足慮。而亂臣賊子之不容於天地也。慨

自禪讓迄今。干戈未息。然楚漢相爭。則劉項爲敵。理固宜。事可行也。至於四維滅絕。交以市道。仇必其主。而友必其敵。斯亂而已矣。洛陽旣陷。吳公南下。入信陽山中。山高天寒。多大風雪。士卒饑凍無怨色。余間關相從。嚴居期月。飲食不給。往往日落登臺。愴然遠望。暮雲無盡。亂山萬千。短歌烏鵲。長吟黃竹。不禁失聲。空山悵家國之多難。念亂萌之有自。俯仰今昔。哀而作詩。甲子十二月朔作於鷄公山中。

昔者中興稱同光。撥亂反正繼成康。胡曾左李讀書子。義軍突起淮與湘。書生報國豈好武。乃心王室謀則臧。其時文臣握兵柄。指揮褒鄂守四方。天下一家如指臂。委裘可治況垂。

裳。萬幾致理有成法。雖無治人由舊章。內有賢王外儒將。祥麟威鳳在帝旁。亂臣十人亦已足。奇才豈必用斗量。恩詔數頒紓疾苦。諫草白日進未央。內府水衡銅牡鏞。太倉紅腐流脂。鄉童叟相識。守鄉井。縣官姓名久遺忘。鷄鳴犬吠滿小邑。年豐歲暮婚嫁忙。東南羽書動江海。大河以北皆麻桑。人心得失賴維繫。正名定分嚴大防。自從闢門懋勤殿。爭言武備救危亡。疆吏乘時植權勢。陽媚時論圖自強。廣廈萬間突兀立。陰符萬本陳講堂。洪爐大冶聚州鐵。江心鼓鑄鳴千將。鍊將鍊兵歲萬億。糜貲遣學窮梯航。卽今割據諸雄傑。何非帝力。登序庠牘涓同學。師鬼谷。用求俊乂安廟郎。辛亥禪讓移鼎祚。裂冠毀冕揚沸湯。盜竊名義鋤異己。標置曲學驅莠稂。

朝爲戍卒暮將帥。舉國輟耕荷戎裝。英雄皆自田間來。貪財好色意飛揚。富貴逼人非始願。武學武器爛且良。連年七省大水旱。農具在手淚在眶。徵兵遣役爲盜賊。室無丁男田無秧。沙場醉臥壯夫盡死於私鬪。非國殤自夷鄉里殺子弟。忍使白骨堆邱岡。陷邑攻城非仇敵。南征北伐皆不遑。殺人最多功。第一論賞我當爲假王。但聞能吏技百出。榷算鈞距窮毫芒。此時一將擁千萬名城。鉅室傾蓋藏黃金。布地珠走檻。樓觀飛驚歌舞行。萬錢米斗絲一尺。將門隸卒厭酒漿。妖姬力不勝錦繡奇服曠世懸明璫。飛車縮地逐明月。千金無人求驕驕。自云逆取可順守。人拙我巧理無妨。王孫挾彈伺路側。甯知黃雀爲螳螂。崇朝篡取發肘腋。覆轍繼軌相參商。辛

壬之際。稱無道。以視今日。猶紀綱蓬來將軍。浩然氣允文允。  
武至大剛。鞭笞羣雄出六合。欲掃區宇恢一匡。東敗公孫清。  
渤海西蹴巴蜀平子陽。近年功業震華夏。南人不反安荆襄。  
涼秋九月兵出塞。長城高高山茫茫。茫闊下落日。照萬幕轅門。  
不見飛鳥翔。夜聞吹笳出帳立。仰視寒月衣滿霜。沙中戰馬。  
騰萬匹。刀劍卓立銅鼓錚。諸侯會師二十萬。動如波濤止如  
牆。將軍勞苦夜酣戰。殺氣入海天地黃。三師壯士一當百。奇  
兵日暮度陳倉。安史異志蓄已久。漁陽鼙鼓來倉皇。孤軍食  
盡寄海島。天風捲雪欺餘艎。功虧九仞天下慟。魑魅魍魎形  
踉蹌。宵來熒惑侵帝座。眼見鐘鼓移阿房。千門宮殿鎖寒月。  
銅仙登車鉛淚滂。叛將逆軍國法在。狐狸何以謀豺狼。今年

流血八千里。發之吳越。臧與楊。北自燕雲及齊魯。東至江淮。  
西大梁。洛陽殘破。豈無故。百姓涕泣。兵飽飶。關中小兒新得。  
志。兩河錦繡化痍瘡。兵車顛頽。預金帛重。前載婦女。後刀槍。月  
白夜靜。聞野哭。暗風斷續遞哀吭。哀我江南久苦戰。流離九  
縣罹兵殃。天吳顛倒。委山谷。牛馬橫陳。猶羈韁父死路隔。不  
能顧。一哭去之。走異鄉。連城天曉鶴不叫。江湖滿地啼寒蟹。  
木棉如雪。花萬頃。無人收採。登營筐。大軍旣去。官吏至招撫。  
流士歸。鰥婦爬搜瓦礫尋門戶。縣官捉去徵預糧。入門無人。  
烟在竈。女尸立井。男尸樑。鄭俠不生董。狐死丹青筆削誰擅  
場。誰非人類。無氣血。能不一慟呼穹蒼。我從榆關幸脫死。大  
軍相失苦備嘗。棄家浮海溯江漢。西入武關走北邙。道出虎

牢煙塵起。路逢將軍謁車籍。始知河南失數郡。將軍太息我  
激昂。秦兵西逼。有侯景。楚軍東阻。無項莊。繞樹二匝行。不得。  
月明星稀。道路長天寒。谷口雪花大。殘軍躑躅行。且僵鷄公。  
高臺平落日。亂山鬱碑寒。雲荒中原指。顧猶可見。西望輦洛。  
烟蒼涼。黃河雨。雪八公。無渡江。漢風波不可杭。空谷俯仰獨嗟。  
嘆英雄才大。心神傷。部曲饑凍。誓生死。幕府流落。甘粃糠手。  
煨榻。仰列宿。山高風急。搖光鉉。鄉關回首。亂雲水闌成。有。  
宅江梅香。故園萬里。正花發。西樓雪暗。鳴酒牀瘦。妻稚子伴。  
歲晚高窗大。几詩清狂。西依嚴武。豈衣食所恨。大計無勵勦。  
自逢喪亂。棲淵谷樵。掃紅葉。炊黃粱。翠微寒籟。到曉響。足繭。  
荒山哀桑滄。益思故君。今安在。天邊泣血臣。恐惶丈夫事。主。

貴終始相從。患難吾願償。開元天寶如夢寐。三十年事悲莫當。太平君相我親見。當時不識謂尋常。願進後言貢當道。輕重文武事彰彰。橫流泛濫不可挽。誰其致之袁端張。

驅兵渡虎牢關南下信陽

驅車廣武間。茫茫千萬山。無窮今古事。寒水向人閒。落日吞雲夢。青天壓虎關。可憐征戰盡。猶自唱刀環。

信陽山中

信陽山色鬱嵯峨。日暮天寒感慨多。呼共殘兵同一醉。開門

大雪下黃河

喜僚友自洛陽來

戎馬君胡至。黃河兩雪寒。官貧能免刦。詩健爲加餐。亂世一封。

候易中原行路難。青燈照顏色。莫當夢中看。

再入鷄公山

亂後音書絕。中原事可驚。琴書隨刦火。妻子在孤城。鼓角河聲壯。關山雪夜明。甯能輕去就。束手不成行。

送某顧問出山來迎吳公往岳

衣上洞庭雪。因君一把杯。投詩入江去。送客出雲來。此地難爲計。斯人大可哀。劇憐庾信宅。萬里發寒梅。

附吳將軍詩

初至黃州走筆示雲史

爲謀統一十餘秋。嘆息時人不轉頭。贏得扁舟堪泛宅。飄然擊楫下黃州。時僚幕星散惟折侍左右而已

赤壁舟中翫月

細浪無聲息。舟中生夕暉。明清江水流。萬里山月照孤城。村酒獨成酌。風帆多夜行。殷勤遠相送。淒絕伏波營。  
江月多於水。江風酒氣微。青天聞石出。赤壁有人歸。幾處漁歌起。三更烏鵲飛。水邊津吏散。岸語覺燈稀。

初至黃州呈吳將軍

如此人間臥謝安。梅花肥大酒杯寬。雲迷江樹黃州近。日落山田赤壁寒。願共英雄同患難。不須妻子問平安。卽今橫槊臨流處。付與他年指點看。

景物蕭蕭萬古情。朝來風雪暮來晴。眼前談笑自千古。到處江山垂大名。割據紛紛真細事。英雄落落豈虛生。不須淚洒

新亭酒尚有中流擊楫聲。

附吳公詩

赤壁春夜書示雲史

戎馬生涯付水流。却將恩義反爲仇。與君釣雪黃州岸。  
不管人間且自由。

黃州見梅遂憶故園時江南齊盧構兵道途梗塞妻  
子避亂海上

昔年風格首重回。雪滿園林酒滿杯。共擁翠裘坐寒月。自燒紅燭照新梅。已聞兵馬及關止。尚有清詩渡海來。惆悵江南煙水客。悔將泉石換塵埃。

遊西山東坡九曲亭

日出一峯霽。千巖明綠苔。酒香吹細雨。人語入寒梅。幽寺山中曉。孤僧江上來。風流今歇絕。笠屐我徘徊。

殘兵

日落滎陽渡。山圍廣武城。八千從項羽。五百送田橫。宿昔同甘苦。追隨出死生。猶能輕性命。鄭重在聲名。

戍鼓遼西斷。天風折大旗。海寒天欲雪。軍靜夜聞棋。恩重於今久。時危忍獨離。羯來無正義。舍此欲何之。

簡斬薦青將軍

百戰孤軍在。崎嶇江漢行。平生重恩義。於此見交情。萬一思王猛。猶能用孟明。驅車過京索。悽絕說功名。

附吳將軍除夕見示

轉爲新年惜舊年。金戈鐵馬事茫然。近來省識閒中樂。

自注清波洗水仙。

登安國寺塔春望

平明登古寺。鶯轉滿黃州。夜雨城中歇。春江山下流。烽烟迷故郡。花鳥入扁舟。笠屐今何世。詩人自可愁。

寒夜作家書時奉軍南下蘇常齊軍潰掠江南再亂

寄婦霞客正月初七日黃州舟中

再報江南亂。家書未忍看。思鄉春夜短。別主寸心難。日出雪亦霽。天明山更寒。故園甲兵滿。兩莫問。平安送盡千人別。悽然憶故園。共憐逢喪亂。寄語倍溫存。將老夫妻賤。長貧兒女婚。異鄉風雪夜。下筆太消魂。

乙丑立春前一日。吳公命舟泛江。同遊西山。至寒溪口。捨舟步行。入靈泉寺。登試劍峯。下山入陶侃讀書處。時紅梅半發。雨雪初霽。奉和吳公。

路近寒溪口。如行七里灘。扁舟春浩渺。殘雪氣高寒。今日留名跡。斯遊接古歡。登臨陪謝傅。勝事後人看。

陶公讀書處。雲木鳥闌闌。細雨梅間落。柴門松下閒。靜知前代事。遠看隔江山。宿昔風流盡。傷哉荆楚間。

陶侃讀書堂看梅

路入江村烟水長。春山深掩讀書堂。扁舟獨下寒溪口。細雨無人聞瀟香。

附吳將軍詩

樊口歸來赤壁磯。中流擊檣早忘機。  
黃州山水秀天下。容我披蓑脫戰衣。

便欲烟霞寄一塵。阮囊那得買山錢。  
眼前風物皆吾有。兩岸樓臺萬頃田。  
渡江遊鄂西山二首

陶公高詠此山中。上有孫權避暑宮。  
尋箇漁樵說閒話。晉朝名士漢英雄。

折得梅花香滿衣。溪雲山雨送將歸。  
一蓑一笠臨臯去。

十里春江明翠微。  
寒溪寺僧方嚴雲史看梅花二首

立春日鄂城紳商讌。吳將軍於西山靈泉寺卽吳  
大帝避暑宮。也是日微雨。將軍命余代往赴飲。下山  
至寒溪口。尋舟渡江。夜歸赤壁。

細路侵雲澗戶昏。暮來烟火亂江村。吳宮花草今何在。春雨連山僧閉門。

客散山堂酒氣微。渡頭津吏醉扶歸。煙波十里黃州路。雨打春潮江火稀。

過寒溪寺見牆裏梅花已放。烟雲離合。春雨在衣不可復留。亂流而返。

犬吠春山江上村。山僧相送下雲根。白雲已沒寒溪寺。祇見梅花不見門。

附吳將軍和梅花詩

此君根骨本來清。寂寞空山更有情。修到梅花尚多事。  
爲誰辛苦去調羹。

黃州早春登城奉和吳將軍

朝來春色滿黃州。二月江潮帶雨流。醉裏不知兵馬恨。煙花無際獨登樓。

快哉亭子雲樹閒。戰伐休時詩酒閒。日暮東風上江寺。新鶯啼滿武昌山。

附吳將軍詩

兩字功名百戰哀。江山無改此登臺。舉杯獨酌看周易。樊口江魚下酒來。

赤壁春流飄酒旗。江村隔雨囀黃鸝。晚來獨背東風立。祇看江山不看棋。赤壁舟中

煙雨連江春水來。扁舟無事祇銜杯。吳頭楚尾二千里。

捲上風簾看一回。

水滿長江酒滿巵。春山如笑語如詩。東風吹綠黃州岸。  
自起開窗畫竹枝。示雲史。

侍將軍登快哉亭

桃花煙浪裏。兵馬此登樓。落日山無盡。東風江自流。逢春驚久客。多難惜清遊。不敢題詩句。蘇公在上頭。

江岸閒步遊安國寺贈僧醉瘋寺爲唐時所建蘇長  
公有安國寺尋春詩其東爲韓魏公讀書堂

古寺臨閒岸。蘇公昔賦詩。說山能入畫。佞佛亦匡時。春水流  
花慢。東風送鳥遲。軍中無野客。與爾補殘棋。

過楊守敬故居

園名隣蘇在黃岡城中東北隅守敬字惺吾以書名鼎革後卒園名今易

抱主矣陳荷波餓居之老梅合  
抱猶存春日發花往訪荷波合  
燈火。雪滿屋。山人夜讀書。紅梅今合抱。不見子孫居。犬吠夕  
花裏。澗芳清雨餘。襄陽耆舊少。鄭重孟家廬。

黃州江上

湖海元龍氣未銷。醉聽風雨醒。聽潮可堪才盡狂。猶昔一騎江天看射鷗。

陪吳將軍登西山之巔席地而坐望樊口武昌之勝  
武昌鬱鬱生春草。樊口悠悠落日閒。尚有清狂謝希逸。獨無人處看江山。

登黃州城樓感春

雪消江海綠。腸斷鄂州樓。一片桃花水。東南日夜流。風煙生。

暮色鼓笛亂春秋。莫道他鄉好。中原戰未休。

二月初五晨起吳公遊牛頭灣之馬橋村。步行田壠。  
與鄉民款語。語具言江潮盛時。水及其扉。因勸以種樹  
之益。村人意甚敬恭。風俗敦樸。歸途爭設香案。拜迎  
於平疇新綠間。公顧我笑曰。此真民意也。拱手謝之。  
返舟走筆見示。奉和二首紀實事也。

人惡習唐賢無宋  
和詩次韻爲宋

和韻者坼平  
生未嘗爲之

萬頃江田烟柳斜。春流十里抱人家。黃童白叟爭來看。踏碎。

一川油菜花。

犬吠鷄鳴滿水濱。平疇對語意相親。羣兒拍手呼名姓。笑說。  
英雄是好人。

使君最愛話桑麻。步入江村野老家。爭揖將軍茅屋坐。殷勤笑勸吃杯茶。

春陰陪吳公登月波樓

萬方多難一身閒。笠屐尋春煙草間。日暮聽鶯江雨裏。去年簾捲洛陽山。

二月初八侍吳將軍至岳州。岳人喜將軍之重來也。

公讌於岳陽樓上。暢飲竟日。秉燭繼夜。冒雨歸舟。舳艤千里溯滄洲。謝傅圍棋且解憂。我醉欲眠人亦散。春燈風亂岳陽樓。

君山春曉

湘江春竹淚斑斑。日出煙消孤棹還。曉入洞庭人不見。但聞

幽鳥滿君山

岳州春雨公讌夜歸

將軍秉燭飲巴邱。喜指煙波話舊遊。燈火滿湖春雨細。夜深人語岳陽樓。

洞庭風起城下帆檣如櫛。湖畔多秦吉了棲鳴梔檣。  
終日可聽賦呈 吳公

岳陽樓下水連天。如此韶華但晝眠。盡日江豚吹白浪。守風愁殺洞庭船。

巴陵江上鶯鵠啼。啼滿千檣十里堤。縱有東風行不得。瀟湘還在洞庭西。

一月既望夜登岳陽樓翫月

南來尋勝不知愁。把火乘潮促夜遊。月到君山人盡起千燈。  
上下岳陽樓。

附吳將軍由黃州至岳陽詩

天風吹我過江城。萬戶無聲犬不驚。可惜清明平日氣。  
都從夢裏誤平生。黎明渡漢陽

岳陽父老共杯壺。舉目江山總不殊。樓外東風吹細雨。  
酒香飛入洞庭湖。岳陽公謙留贈

青草山前蘆蕨肥。洞庭湖裏鷓鴣飛。春風春雨無窮盡。  
帝女仙人何處歸。洞庭春望

一春

一春風雨總無憑。城上高樓怨不勝。開過桃花是消息。三湘。

春水下巴陵。

聞婦霞客將至岳陽遣舟以詩迓之

日日江樓聽雨眠。早知詩句到秋邊。  
洞庭二尺桃花浪。催送湘江下水船。

一春白日去堂堂。千里迎君到岳陽。  
如此煙花三月半。畫樓梳洗看瀟湘。

君山二妃墓

雲水相逢不見人。九歌一曲爲迎神。  
湘君祠廟不知處。細雨東風吹綠蘋。

春日二喬墓偕霞客踏青

草暗花濃弔綺羅。岳陽風土有詩歌。  
君山相對二妃墓。此地

香魂姊妹多

建業江東夫婿功。春深銅雀笑奸雄。而今草綠巴邱岸。滿眼青山似鄴中。

岳州江上送張子武之江南

談笑陳驚座。功名溫太真。奇才誰似爾。壯志我猶人。東郡猶戎馬。清湘及暮春。臨江相送別。千里草如茵。

三月七日公讌爲吳公壽岳人高會二日賓客千人

卽席呈賦

煙草洞庭綠。春城張樂清。湖天聞酒氣。江木有鶯聲。四海謳歌日。三湘愛戴情。非關爲公壽。用以壽蒼生。

穀雨日高原春望時家室至岳主易鳳傳家

門巷高原上。巴邱萬里情。青林呼。煮酒江閣坐。聽鶯細雨澗。  
成響春流舟自橫。清遊思故郡。況復未休兵。

岳陽樓送別徐良

京邑故人至。共登雲夢臺。江湖白日暖。兵馬故人來。我意思。  
公子天心惜霸才。芳菲猶未歇。莫動仲宣哀。

附徐良詩

昔從南海論才子。共許楊公最絕塵。地角天涯頻夢見。  
湖波湘水又相親。結交道義兼師友。欲挽乾坤救庶民。  
行矣何時再握手。雲開日出是前津。

贈崔祕書

流落一相識。同舟轉可親。共爲湘水客。都是洛陽人。談笑慚。

長策烽煙自暮春。洞庭風水闊。相與話迷津。

不識從士久。春遊喜欲狂。清詩滿荆楚。小獵出光黃。山郭見魚市。江樓聞酒香。具區猶八九。捫蟲看蒼茫。

聞胡憲之戰洛城。往復三陷。不復有鶻犬聲矣。西宮牡丹二千株。今當花時。不知無恙否也。民無子。遺遑

恤我花

洛陽殘破後。知爾亦無家。戎馬悲東晉。名園記永嘉。春光荆棘裏。姚魏若爲花。眼見銅駝恨。生今共一嗟。

春雨曉晴洞庭早起

日日岳陽樓下過。朝朝打槳暮時還。洞庭日出開門巷。清雨霏霏花滿山。

春煦自漢來書告斷炊矣

負米江村市。軍中一飯難。知君無骨肉。惟我問平安。樊口魚盈尺。黃州筍滿盤。早知天下瘦。甯忍獨加餐。

岳州清明

是日遇雨，吳公遊君山江中，踏青湖岸而返。

清明風色最消魂。煙雨霏霏花柳昏。永憶洛陽寒食路。日斜

飛蓋上東門。

和師鄭落葉詩

長安萬戶對斜暉。木葉蕭森傍水飛。九月關河秋向盡。五更  
風雨曉來稀。花明閣道春何在。綠滿龍池事已非。回首故宮  
魂欲斷。渭橋微雨濕天衣。

又

津橋煙樹一林空營壘蕭蕭過洛中今日驅車上邙坂寒鴉  
流水上陽宮

猶記靈和欲斷魂今年秋色不堪論御溝猶自流紅葉殘月  
清波神武門

湘江上憶故園

湘水逢春色巴陵送遠行江湖聞戰伐花鳥近清明放馬天  
連草聽鶯雨滿城故園今萬里佳節倍傷情

岳陽送吳子明文

相見今何地重逢傷客心清言落雲夢病眼喜春陰細雨草  
花密江流茅屋深嘯歌良不易行矣莫沉吟

岳陽贈夏大

國破驚君在。淒然訴苦辛。亂山無去路。一月不逢人。涕淚依江表。遲徊及暮春。二湘愁鬢改。喜極忽沾巾。

岳陽樓送某將軍兵敗遠適海國

爲君吹笛上江樓。十萬征人盡淚流。春水方生煙草綠。可憐舉國怨封侯。

暮春將軍爲陳詒仲同年毅置酒舟中日暮泛舟岳

陽江上卽席賦贈二首

休矣平生事。重逢各斷腸。煙塵昏北極。風日暖清湘。春色太明麗。客心殊怨傷。悽涼天寶恨。洗眼看滄桑。

百尺元龍氣相逢。此賦才煙花。白日暖江海。遠春來宇宙。何多難。英雄有大哀。東風吹酒浪。且發洞庭杯。